

# Fandyi Sanizan juara Pidato Belia

UM 7.5.2014 26

KOTA KINABALU 6 Mei - Presiden Majlis Perwakilan Pelajar (MPP) Universiti Malaysia Sabah (UMS), Fandyi Sanizan Jurup muncul sebagai juara dalam Pertandingan Pidato anjuran Kementerian Belia dan Sukan negeri, baru-baru ini.

Beliau berjaya menarik perhatian juri menerusi pidato bertajuk 1Malaysia Asas Pembentukan Bangsa, sekali gus menerima hadiah wang RM500, piala dan sijil.

Tempat kedua dan ketiga disandang oleh Wan Zainudin Aspar dan Mohd. Fadli yang mewakili badan bukan kerajaan (NGO) dengan masing-masing menerima wang tunai RM300 dan RM200 berserta piala selain sijil penyertaan.

Penyampaian hadiah disempurnakan oleh Pegawai Pembangunan Belia, Jabatan Belia dan Sukan negeri, Zainudin Atin.

Fandyi yang ditemui kemudian melahirkan rasa syukur di atas kemenangan itu dan menyifatkan pencapaian yang diperoleh hasil usaha serta sokongan semua pihak.

"Kejayaan ini tidak mampu dicapai tanpa sokongan pihak universiti khususnya daripada Jabatan Hal Ehwal Pelajar dan Alumni," kata pemuda kelahiran Ranau itu.



**FANDYI Sanizan Jurup yang muncul juara Pertandingan Pidato di Kota Kinabalu, Sabah, baru-baru ini.**

Dengan kemenangan itu, beliau bakal mewakili Sabah ke pertandingan pidato peringkat kebangsaan yang akan berlangsung pada Festival Belia di Putrajaya pada 24 hingga 27 Mei ini.